

nato quel boja cavò li ochii e tajò le man a quelli meschini villani di la villa di Mozana, che usono gran crudeltà; sichè saranno puniti e fonno posti in camera.

Di Friul non fo letere, e mancho di Porto Gruer dil successo de i nimici.

Da poi disnar, fo Consejo di X con la zonta, et prima nel Consejo di X fo preso di dar l' officio di la Stimaria del vin in luogo de Vetur Orso, ch' è morto, qual val ducati, a uno Andrea Querini fo fio natural di sier Benedeto et nipote di sier Zuan Capello l' avogador, al qual per il Consejo di X fo dato uno officio, il primo vachante, di ducati 60, perchè acusò sier Alexandro Navajer e compagni, che fo squartadi, e tenuto secretissimo; e *licet* questo vagii 120, la mità fo tolto in la Signoria e datoli l' officio a lui, qual habbi *solum* ducati 60. Era reduta la zonta, per balotar alcuni che havea deposità ducati 500 per averlo, tra i qual Carlo Frizier, et per questa deliberation fata ozi nel Consejo di X, non fo balotadi, e il Querini ave l' officio.

Di Verona intesi, per alcuni venuti, come li, oltra el vescovo di Trento governator cesareo e altri consieri cesarei, era il conte di Chariati domino Zuan Baptista Spinello, che fo qui orator, qual per aver danari di Verona per pagar le zente, volse far meter li daci si pagava, quando era soto San Marco, a l' incanto, e non trovano niun li metesseno, *imo* fo gran mormoration in veronesi. *Etiam*, volendo incantar i beni di veronesi rebelli, non fu trovato chi li volesse comprar, et veronesi chiamono il loro Consejo, e feno 4 oratori a l' Imperador a dolersi di questa novità contra la forma di loro privilegii auti da esso Imperador, che non si pagi dacio.

El campo del vicerè in questo mezo era pur a Montagnana e de li intorno alozato, et veniva verso Moncelese cavali de i nimici facendo danni, fo dito, fino a la Bataja; *tamen* non fo nulla. Si dicea nel dito campo la trieva esser fata a Roma. Era zonto il marchexe di Peschiera, venuto di reame, chiamato domino, et il vicerè doveva partir per reame subito, e lassava dito marchexe per governo di le zente spagnole.

- 13 A dì 12, *Domenega*. La matina, per tempo, li Cai di X si reduseno in Colegio, et fo per una letera dil capitano zeneral, qual scriveva che li pareva non lassar cussì el Friul et andar o mandar zente a romper diti inimici, ch' è disordinati, et questo faria certissimo, e bisognava fusse secreto e con fama di mandar le zente d' arme alozar a le basse dil trivixan per caxon de' strami; potria poi far questo effecto; con altre parole, *ut in litteris*.

Et tra li savii fo gran disputation in Colegio; chi voleva e chi no, e fo terminà, per tempo, far Pregadi *licet* lusse Domenica solita farsi Gran Consejo e si doveva far li consieri, et cussì parse di novo a la terra, dicendo è cossa che importa.

Tutavia si manda a chiamar zentilhomeni vengi a prestar e in Colegio, quali alcuni veneno; trovano zerecha ducati 500, in tutto da ducati milia è stà trovato, ma molti si fevano difficili a venir e si scu-sava non aver; concludendo, la terra è molto streta di danari.

Et la farina in Fontego da lire 4, soldi 12 di gran grosso e padoana ducati uno, e il Fontego di Rialto da una banda era pieno.

De Istria. Si ave aviso esser zonte tre nave di Soria, qual se dubitava di loro e non si trovava a-segurar a 17 per 100; le qual è carge di orzi, zene-re, zucari e gotoni; ch' è bona nova.

Et fo letere di Soria, di Dezembrio. Come era gran morbo stato lì. È morto sier Contarini fiol di sier Andrea consolo a Damasco; et sier Barbon Morexini di sier Zustignan marchadante à l'uto la peste, è varito; e altri avisi di spezie e mer-cadi fati.

Et fo uno altro aviso molto importante, che aTri-poli erano do fatori, uno Testa popular, l'altro sier Marin Pixani qu. sier Antonio *Fantocho*, di età di anni ..., el qual sier Marin par sia scampato in Cypro e falito, e porta via di soi maistri ducati 15 milia, tra i qual di sier Batista Morexini, è podestà a Padova, ducati 5000; sichè a questo modo va le fortune; et di Cypro chi dice è andato in Turchia, et chi passerà a Rodi e li sarà seguro.

Etiam in questa terra falite Agustin Dolze to-schan, qual ha la caxa nova ai Crosechieri, et à falito per ducati 6000.

In questa terra, al presente è molti predicatori optimi e di San Francesco Observanti; sono 9 in varie chiezie, et

Da poi disnar, fo Pregadi, lecto letere di Padoa 13* e Trevixo zerecha danari, et la letera dil capitano zeneral, a la qual se li risponderà.

Di Cypro, fo letere di Zerecha formenti assai sarà, et dubita non arano dove logar, et si converà butar via dil vechio. *Item*, orzi si harà assa' quantità. Scriveno di synici zonti lì, quali per caxon che voleno, justa la commission datoli, scuoder da ducati 60 milia di debitori di la real, per la qual movesta quelli principali è molto levati et hano chiamà el Consejo et electi do oratori, domino